



**AMEZKETAKO UDALA**



## JAKINARAZPENA

Amezketako Alkatea den Iñaki Amundarain Tolosa jaunak 2021eko otsailaren 14ko dataz eta 22 zenbakiarekin, honako Ebazpen hau egin duela jakinarazten dizut.

---

### 2015EKO URTARRILAREN 13KO 1/2015 ALKATE DEKRETUAREN ALDAKETA, HORNITZAILEEK AMEZKETAKO UDALARI EGITEN DIZKIOTEN FAKTURA ELEKTRONIKOAK JASOTZEKO PROZEDURA ARAUTZEARI BURUZKOA

---

2015eko urtarrilaren 13ko 1/2015 Alkate Dekretuaren bitartez, Amezketa Udak hornitzaileek Amezketa Udalarari egiten dizkioten faktura elektronikoak jasotzeko prozedura arautzeari buruzkoa onartu zen. Aipatu Dekretuak honela zion:

*“Abenduaren 27ko 25/2013 Legeak, faktura elektronikoa sustatzekoak, fakturen kontabilitate erregistroa sortu du, prozedura ezarri du faktura horiek herri administrazioetan tramitzeko, eta baita organo eskudunen segimendu-jarduketak ere. Lege honek oinarritzko izaera du, horren ondorioz, herri administrazio guztiei, toki entitateak barne, aplikatu beharrekoa da.*

*2. artikulua jasotzen du legea aplikatuko zaiela herri administrazioen eta ondasun eta zerbitzu hornitzaileen arteko harreman juridikoen esparruan egiten diren fakturei. Legearen ondorioetarako, herri administrazioetat hartuko dira Sektore Publikoko Kontratuen Legearen Testu*

*Bateginak, azaroaren 14ko 3/2011 Legegintzako Errege Dekretu bidez onartuak, 3.2 artikuluan aipatzen dituen ente, organismo eta erakundeak.*

*Era berean, 4. artikulua dio herri administrazioari ondasunak entregatu edo zerbitzuak egin dizkioten hornitzaileek faktura elektronikoa egin eta igorri ahal izango dutela. Bertan, zehazten da zein entitate mota dagoen behartua faktura elektronikoa erabiltzera eta hura dagokion sarrera-puntu orokor batean aurkeztera. Artikulu berak aukera ematen du baita ere obligazio horregatik kanpo uzteko, erregelamendu bidez, 5.000 eurokoak baino handiagoak ez diren fakturak.*

*Horrez gain, 6. eta 8. artikuluek, hurrenez hurren, arautzen dituzte faktura elektronikoen sarrera-puntu orokorraren eta fakturen kontabilitate erregistroak edukitzeko betebeharra.*

*Legean ezarritakoa gauzatzeko, Gipuzkoako Foru Aldundiak abenduaren 1eko 632/2014 Foru Aginduaren bitartez arautzen ditu Gipuzkoako Lurralde Historikoko Foru Administrazioaren eremuan faktura elektronikoen sarrera-puntu orokorrari eta fakturen kontabilitate erregistroari buruzko alderdi batzuk. Zehazki, 4. artikuluan jasotzen da Gipuzkoako toki entitateak, eta haiei lotutako edo haien mende dauden entitate edo organismoak, atxiki ahal izango zaizkiola Gipuzkoako Foru Aldundiko faktura elektronikoen sarrera-puntu orokorrari.*

*Hori guztiagatik, beharrezkoa da hornitzaileek AMEZKETAKo Udalarari egiten dizkioten faktura elektronikoak jasotzeko prozedura arautzea.*

Ondorioz, honako hau

XEDATU DUT

Lehena. Xedea.

Dekretu honen xedea da hornitzaileek AMEZKETAKo Udalari eta bere organismo autonomoei egiten dizkieten faktura elektronikoa jasotzeko prozedura arautzea.

Bigarrena. Eremu subjektiboa.

Dekretu honetan xedatutakoa aplikagarria izango zaie udalari eta bere organismo autonomoei zuzendutako faktura elektronikoz guztiei.

Hirugarrena. Eremu objektiboa.

1. Bigarren apartatuan aipatzen diren entitateei ondasunak entregatu edo zerbitzuak egin dizkieten hornitzaile guztiek sortu eta igorri dezakete faktura elektronikoa. Hornitzaile horiek behartuta egongo dira faktura elektronikoa erabiltzera eta hura dagokion sarrera-puntu orokorrean aurkeztera, entitate hauek direnean:

a) Sozietate anonimoak;

b) Erantzukizun mugatuko sozietateak;

c) Espainiar nazionalitatea ez duten pertsona juridikoak eta nortasun juridiko gabeko entitateak;

d) Zerga araudiak ezarritakoaren arabera, Espainiako lurraldean egoiliar ez diren entitateen sukurtsalak eta establezimendu iraunkorrak;

e) Aldi baterako enpresa elkarteak;

f) Interes ekonomiko taldeak, interes ekonomikoko Europako taldeak, pentsio funtsak, arrisku-kapitaleko funtsak, inbertsio funtsak, aktiboak erabiltzeko funtsak, hipoteka-merkatua erregularizatzeko funtsak, hipotekak titulizatzeko funtsak edo inbertsioak bermatzeko funtsak.

2. Dena den 5.000 euro bitarteko fakturak salbuetsita geratzen dira faktura elektronikoa erabiltzeko obligaziotik eta hura dagokion faktura elektronikoen sarrera-puntu orokorrean aurkeztetik, ondoko kasuetan izan ezik:

a) Hornitzaileak edozein unetan behartuta badaude fakturaren bat formatu elektronikoa egitera aurreko paragrafoan ezarritako zenbatekoa gainditzeagatik, faktura elektronikoa erabili beharko dute, zenbatekoa edozein dela ere, hortik aurrerako ondasun entrega eta zerbitzu prestazio guztietan.

b) Udalak edota organismo autonomoek kontratazio prozedurak bultzatu dituztenean, Hirugarren apartuaren 1. paragrafoan aipatu diren hornitzaileek faktura elektronikoa egin eta bidaltzeko obligazioa izango dute baldin eta esleipen zenbatekoa 5.000 euro baino handiagoa bada, kasu bakoitzean fakturatzen den zenbatekoa zeinahi dela ere.

Laugarrena. Gipuzkoako Foru Aldundiko faktura elektronikoen sarrera-puntu orokorrari atxikitzea.

AMEZKETAKo Udala eta bere organismo autonomoak atxiki egiten zaizkio 2014ko abenduaren 1eko 632/2014 Foru Aginduak jasotzen duen Foru Administrazioiko faktura elektronikoen sarrera-puntu orokorrari. Foru agindu horrek arautzen ditu faktura elektronikoen sarrera-puntu orokorrari eta fakturen kontabilitate erregistroari buruzko alderdi batzuk, Gipuzkoako Lurralde Historikoko Foru Administrazioaren eremuan.

ESKU94b0bd01-bfeb-4fb4-8874-80e378d9ec43

Bosgarrena. Faktura elektronikoen eta haien sinadura elektronikoen formatua.

Faktura elektronikoen sarrera-puntu orokorraren bitartez bidaltzen diren faktura elektronikoak eta sinadura elektronikoak une oro Gipuzkoako Foru Aldundiak jasotako formatura egokitu beharko dira.

Seigarrena. Fakturaren kontabilitate erregistroa kudeatzea.

1. AMEZKETAKo Udala eta bere organismo autonomoen esparruan, fakturen kontabilitate erregistroa kudeatzea Kontu-hartzaitza Zerbitzuari dagokio.

Erregistro hori kontabilitateko informazio sistemarekin lotuta edo bertan integratuta egongo da. Ondorio hauetarako, udal honetan eta bere organismo autonomoetan SAREKO aplikazioko fakturen erregistroa izango da aipatutako erregistroa.

2. Faktura jasotzen duen administrazio-erregistroak Kontu-hartzaitza Zerbitzura bidaliko du berehala, fakturen kontabilitate erregistroan haren oharra egin dezan.

Sarrera-puntu orokorrean aurkeztutako faktura elektronikoak elektronikoki bidaliko dira, puntu horretan izango den zerbitzu automatiko baten bitartez, kasuan-kasuan dagokien kontabilitate erregistrora, fakturan agertzen den kontabilitate bulegoaren arabera. Fakturan adierazi behar da zer administrazio-organori dagoen zuzenduta, Sektore Publikoko Kontratuen Legearen testu bateginak, azaroaren 14ko 3/2011 Legegintzako Errege Dekretuaren bidez onartuak, hogeita hamahirugarren xedapen gehigarrian ezarritakoari jarraituz.

3. Fakturen kontabilitate erregistroan faktura baten oharra hartzeak berekin ekarriko du faktura horri identifikazio-kode bat esleitzea kontabilitate erregistroan. Faktura elektronikoen kasuan, kode hori faktura elektronikoen sarrera-puntu orokorrari jakinaraziko zaio.

4. Kontu-hartzaitza Zerbitzuak dagokion organo eskudunari bidaliko dio faktura, ondasun edo zerbitzu emateari adostasuna emateko prozedura tramita dezan eta obligazioa onartzeko beharrezkoak diren gainerako jarduerak egin ditzan.

5. Dagokion organo eskudunak obligazioa onartzen duenean, proposamenaren edota ordainketa-aginduaren tramitazio kontableak faktura (edo fakturak) identifikatuko ditu, fakturen kontabilitate erregistroan esleitutako identifikazio kodeen bidez.

Amaierako xedapena. Indarrean jartzea.

Dekretu hau 2015eko urtarrilaren 15ean jarriko da indarrean.”

Geroztik, Amezketa Udalaren hornitzaile desberdinak fakturazio elektronikoen erabilpena areagotzen joan dira, fakturen kudeaketa eragingorragoa indartzen joanez. Halere, eta xede horrekin, egun, komenigarria ikusten da 1/2015 Ebazpeneko 3.2. puntuan agertzen den kopurua aldatzea eta jeistea, 5 mila eurotik 4 milara.

Guzti honengatik,

#### ERABAKI DUT:

**BAT:** 2015eko urtarrilaren 13ko 1/2015 Alkate Dekretuaren 3.2. puntuan agertzen den kopurua aldatzea, “5.000 euro” kopuruaren ordean, “4.000 euro” ezartzea.

**BI:** Ebazpen hau udal web orrian jarriko da ikusgai eta Gipuzkoako Foru Ogasunari ere jakinaraziko zaio.

ESKU94b0bd01-bfeb-4fb4-8874-80e378d9ec43

Erabakia behin betikoa da, eta amaiera ematen dio administrazio-bideari. Horren aurka jarraian agertzen diren ERREKURTSOAK aurkeztu ahal izango dira:

- BERRAZTERTZEKO ERREKURTSOA: aukerazkoa, erabakia hartu duen organoari, HILABETEKO epean, erabakia jakinarazi eta hurrengo egunetik kontatzen hasita. Errekurtsoa aurkeztu eta hilabete igarota ebazpena jakinarazi ez bada, orduan errekurtsoa onartu ez dela ulertuko da. Edota, zuzenean,

- ADMINISTRAZIOAREKIKO AUZI-ERREKURTSOA: Donostiako Administrazioarekiko Auzietako Epaitegian, BI HILABETEKO epean, erabakia jakinarazi eta hurrengo egunetik kontatzen hasita; edota, administrazioaren isiltasunaren ondorioz ezetsi bada, sei hilabete epean. Hori guztia, egoki irizitako beste edozein errekurtsu jartzeari utzi gabe.

Aplikatzekoa den legeria: urriaren 1eko 39/2015 Legeak, Herri Administrazioen Administrazio Prozedura Erkidearenak, 123. Eta 124. artikuluetan; eta uztailaren 13ko 29/1998 Legeak, Administrazioarekiko Auzitarako Eskumena arautzen duenak, 46 artikuluan xedatutakoa.

Amezketan,

Idazkaria

Jon Burgaña Agoues

---

AMEZKETAKO UDALA

Fernando Amezkettarraren enparantza z/g 20268 Amezketa (Gipuzkoa)

Tel: 943 65 31 89

Fax: 943.05.40.30

www.amezketa.eus

udala@amezketa.eus



Egiaztapen Kode Segurua/Código Seguro de Verificación: **ESKU94b0bd01-bfeb-4fb4-8874-80e378d9ec43**

Dokumentu elektronikoen paperezko kopiaren osotasuna eta sinadura egiaztatzeko, sar ezazu egiaztapen kode segurua egoitza elektronikoan:  
<https://uzt.gipuzkoa.eus?De=00810>

Compruebe la integridad y firma de la copia en papel de este documento electrónico, introduciendo el código seguro de verificación en la sede electrónica: <https://uzt.gipuzkoa.eus?De=00810>

## Sinaduren laburpena / Resumen de firmas

**Titulua / Título:**

2022DKTO0015-Alkatearen Ebazpena/Decreto del Alcalde (AMEZKETAKO UDALA)